

fee  
protect

*Te Whai  
Mātauranga.*

*Ngā mahi i te kāinga.  
Kia mataara.*

*Ko te āwangawanga nui  
rawa atu, ka pēhea ō utu  
urunga mai?*



## He aha te painga o te Fee Protect ki ahau?

Ko te Fee Protect, he pūtea pēke tarahiti mō ngā utu urunga o ngā tauira – ka puritia, kia tika ai te whakahoki i ā rātou moni utu ki ā rātou – mēnā ka kore e oti ngā mahi akoranga i whakatūria nei e ngā kaituku mātauranga. Kāhore hoki pea i oti nā te whakamutunga anō o te kaupapa, te pekerapu, te kore rānei o te NZQA e tautoko, ā, te putanga mai rānei i tānei tikanga akoranga.

E ai ki te ture, me whakatū tonu ngā kaituku mātauranga, ētahi tikanga tiaki i ngā moni utu urunga mai, arā ngā moni i utua i mua atu i te tīmatatanga o te mahi akoranga. Nā tō kaituku mātauranga anō i inoi kia uru mai ki raro i te kaupapa, Fee Protect. Ko ngā moni utu urunga he pēnei me ngā moni mō ngā mahi akoranga, ngā moni mō te nohonga kāinga, me ngā moni anō, hei oranga tangata.

## He aha te Fee Protect, he aha hoki ōna ritenga whakahaere?

He pūtea pēke moni tarahiti motuhake te Fee Protect, i whakatūria e te Tari Tiaki Rawa ā-Iwi. Ka kohia ō moni utu urunga ki roto ki tēnei pūtea pēke tarahiti, me tō whakaae tonu ka tangohia mai ngā moni hei utu i tō kaituku mātauranga, ā te wā e whakaaetia ana, pēhea te roa, me te rārangi utu hoki.

Whakatakotoria kau ō moni utu urunga ki roto i tō Pūtea Pēke Tarahiti o te Tari Tiaki Rawa ā-Iwi mō ngā Moni Utu Urunga o ngā Tauira, kei te tiakina. Kia mōhio ai koe e kore rawa e noho mōrea ō moni utu urunga, ko te tikanga māu anō aua moni e āta whakatakoto ki te Tari Tiaki Rawa ā-Iwi.

## Ko wai te Tari Tiaki Rawa ā-Iwi?

Nō te Kāwanatanga tēnei whakahaere tarahiti, te Tari Tiaki Rawa ā-Iwi, ko rātou e awhi nei, e tautoko nei i ngā iwi katoa o Aotearoa mō te tahi rau toru tekau tau kua pahure ake nei.

Ka tae ki te wā o te tutukitanga o ngā wawata, me te whakahaere i ngā tikanga o ngā tarahiti, ko te mōhio ki ēnei tikanga me te whakahaere i ēnei kaupapa, he tino taonga nui. E whakahaere ana ō mātou rōia, kaitohu, i ngā tarahiti mātauranga, tarahiti whānau, me ētahi anō o ngā tarahiti tuku āwhina tangata nui rawa o te motu.

## He aha ka whai i muri?

Ka inoi mai tō kaituku mātauranga ki a koe kia tukua e koe tō waitohu ki runga ki tētahi pānui tauira mai i te Tari Tiaki Rawa ā-Iwi - ka whakatūria e mātou tētahi pūtea pēke tarahiti mōu.

**i** Me kōrero koe ki tō kaituku mātauranga.  
Mō ētahi atu whakamārama mō te Fee Protect,  
Waea mai ki **0800 494 733**, whakapā atu rānei ki  
[www.publictrust.co.nz](http://www.publictrust.co.nz)

## Ko ngā tikanga me mātua mōhio koe...

Ko ngā kaituku mātauranga nei ehara i te kaimahi mō te Tari Tiaki Rawa ā-Iwi. Kāhore hoki he here o te Tari Tiaki Rawa ā-Iwi ki ōu ake utu urunga kia utua rā anō ki roto i tō Fee Protect pūtea pēke me te whakakāinga o te pepa pānui ki te whakapuare i tētahi pūtea pēke tarahiti.

**YOUR  
WORD  
IS LAW**

**publicTRUST**